



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

De Primo.

urn:nbn:de:hbz:466:1-36094

ipsa cœna Domini inclusa est hæc promissio, quæ affirmat non tantum esse Ecclesiam Dei in hoc mundo: lubet enim annuntiarî cœnam Domini, & hanc cœnam distribui, donec venerit. Hæc cœna piojs grata esse debet. Et retinentes puritatem Euangelij, & ipsam Sacramentorum, haud dubie defenduntur. Hæc præsertim sum, ut cogitemus de causis institutionis cœnæ Domini, quæ & ipsa testimonium est insigne patefactionis Dei. Non aliter audias verba huius cœnæ, quam si ipsum Christum coram tecum loquentem audires, & simul de ipsius resurrectione & cæteris miraculis cogites, quibus se vere Deus nobis patefecit. Ac scias institutum esse hoc Sacramentum, primum ad commoerendos singulos, & excitandam & confirmandam fidem in nobis, deinde, ut memoria passionis & resurrectionis Christi perpetuo propagetur hoc ritu, deniq; ut sit nervus publicæ congregationis, in qua Ecclesia Dei ostēdat, se seiuinctam esse à cæterarum gentium opinionibus. P o s t hæc exordia hæc sequuntur capita considerentur. Primum, quomodo instituta sit cœna Domini. Secundum, quibus proficit manducatio. Tertium, qui sint ad eam admittendi. Quartum, de abusu & prophanatione Sacramenti.

DE PRIMO.

R i t u s describitur à Mattheo, Marco, Luca, & à Paulo. Et nominatim inquit Paulus, Conuenientibus vobis. Vult publici congregationis ceremoniam esse hanc cœnam, & simul vult ibi doceri Euangelium, invocari Deum, mentione & fiducia Domini nostri Iesu Christi, & agi gratias. Ideo dictum est: Hoc facite ad recordationem mei.

N e c est inane spectaculum, sed Christus reuera adest, dans per hoc ministerium suum corpus & sanguinem manducanti & bibenti. Sicut & veteres scriptores loquuntur. Cyrillus in Iohanne inquit: Vult considerandum est, Christum non solum per dilectionem in nobis esse, sed etiam naturali participatione, id est, adesse non solum exteriori, sed etiam substantia. E t Hilarius ait: De naturali enim nobis veritate quæ dicimus, nisi ab eo didicimus, stulte & impetereemus. Ipse enim inquit: Caro mea vere est cibus, & sanguis meus vere est potus, & deinceps. Hæc accepta & haurita efficiunt, ut & nos in Christo, & Christus in nobis sit. Non imaginemur esse membra hominis mortui, ut sunt spectacula de Hercule, & similia. Abipimus has profanas cogitationes, ac hoc testimonio commonefacti credamus, vere Christum pro nobis factum esse victimam, ac mortuum, sed reuera etiam resuscitatum, iam regnare, & adesse suæ Ecclesie, & in hoc ministerio vere nos sibi tanquam membra adiungere.